

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 06-16-5-158-14/19

Datum: 8.5.2019. godine

Na osnovu člana 61. Zakona o upravi („Službeni glasnik BiH, broj: 32/02 i 102/09), člana 51. Okvirnog zakona o visokom obrazovanju („Službeni glasnik BiH“, broj: 59/07 i 59/09) i člana 70. Zakona o javnim nabavkama („Službeni glasnik BiH“, broj: 39/14), direktor Agencije za razvoj visokog obrazovanja i osiguranje kvaliteta BiH *donosi*

O D L U K U

o izboru najpovoljnijeg ponuđača i dodjeli ugovora u postupku konkurentskog zahtjeva za dostavljanje ponuda za javnu nabavku motornog goriva za potrebe Agencije za razvoj visokog obrazovanja i osiguranje kvaliteta Bosne i Hercegovine

I

U postupku konkurentskog zahtjeva za dostavljanje ponuda za javnu nabavku motornog goriva za potrebe Agencije za razvoj visokog obrazovanja i osiguranje kvaliteta Bosne i Hercegovine, uz objavu dodatnog obavještenja na portalu javnih nabavki, broj: 207-7-1-12-3-7/19 od 14.4.2019. godine, kao najpovoljnija ponuda, bira se ponuda ponuđača Nestro Petrol a.d. Banja Luka, Kralja Alfonsa XIII br. 9, s ukupnom cijenom ponude u iznosu od 19.009,00 KM bez PDV-a, odnosno 22.240,53 KM sa PDV-om i navedenom ponuđaču dodjeljuje se okvirni sporazum o nabavci motornog goriva.

II

Po okončanju roka za žalbu, ugovorni organ će sa izabranim ponuđačem zaključiti okvirni sporazum o nabavci motornog goriva kojim će se regulisati međusobna prava i obaveze u vezi s predmetnom javnom nabavkom shodno uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja.

III

Ova odluka će se dostaviti ponuđačima u predmetnom postupku javne nabavke uz obavještenje o rezultatima postupka.

IV

Ova odluka stupa na snagu danom donošenja i objavit će se na internet stranici Agencije, www.hea.gov.ba, danom upućivanja ponuđačima.

O b r a z l o ž e n j e

U postupku konkurentskog zahtjeva za dostavljanje ponuda za javnu nabavku motornog goriva za potrebe Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija), uz dodatnu objavu obavještenja o javnoj nabavci na portalu javnih

nabavki, broj: 207-7-1-12-3-7/19 od 14.4.2019. godine, pokrenutom na osnovu zahtjeva višeg referenta – vozača u Agenciji u skladu sa Planom javnih nabavki za 2019. godinu, direktor Agencije donio je Odluku o pokretanju postupka javne nabavke, broj: 06-16-5-158-2/19 od 1.4.2019. godine na osnovu Konkurentskog zahtjeva za dostavljanje ponuda broj: 06-16-5-158-5/19 od 11.4.2019. godine.

Nakon prijema ponuda, Komisija imenovana Rješenjem direktora broj: 06-16-5-158-3/19 od 4.4.2019. godine, a nakon provedene e-aukcije izvršila je pregled i ocjenu ponuda. Zapisnikom broj: 06-16-5-158-12/19 od 7.5.2019. godine Komisija je konstatovala da su u predmetnom postupku na adresu Agencije u predviđenom roku pristigle tri ponude, i to ponuda Hifa Petrol d.o.o. Sarajevo, Krajina Petrol a.d. Banja Luka i Nestro Petrol a.d. Banja Luka od kojih su dvije ponude ocijenjene prihvatljivim. Ponuda ponuđača Krajina Petrol a.d. Banja Luka ocijenjena je neprihvatljivom iz razloga što ista ne ispunjava uslove za kvalifikaciju navedene u Tenderskoj dokumentaciji (tč. 3.1. pod i)). Ponuda ponuđača Krajina Petrol a.d. Banja Luka ne ispunjava uslove iz TD jer, prema dostavljenom spisku benzinskih stanica na kojima će se vršiti isporuka predmetnih roba, ponuđač nema benzinske stanice rasprostranjene na cijelom području Bosne i Hercegovine, odnosno isti raspolaže benzinskim stanicama samo na području dijela Bosne i Hercegovine, odnosno na području bosanskohercegovačkog entiteta Republika Srpska. Također, ponuda ponuđača Krajina Petrol a.d. Banja Luka ocijenjena je kao nepotpuna iz razloga što u ponudi nedostaje popunjen i ovjeren obrazac povjerljivih informacija (Aneks 5 TD).

U ovom postupku provedena je e-aukcija u kojoj su učestvovala dva ponuđača, i to Hifa Petrol d.o.o. Sarajevo i Nestro Petrol a.d. Banja Luka. Nakon okončane e-aukcije, a u skladu s kriterijem najniže cijene, Komisija je utvrdila da je najpovoljniji ponuđač u postupku javne nabavke motornog goriva za potrebe Agencije Nestro Petrol a.d. Banja Luka s ukupnom cijenom ponude u iznosu od 19.009,00 KM bez PDV-a, odnosno 22.240,53 KM sa PDV-om i predložila direktoru da donese odluku o izboru ponude navedenog ponuđača kao najpovoljnije i da se s navedenim ponuđačem zaključi okvirni sporazum o nabavci motornog goriva.

Imajući u vidu naprijed navedeno, odlučeno je kao u dispozitivu.

U skladu sa članom 70. stav (6) Zakona o javnim nabavkama, ova odluka ima se objaviti na internet stranici Agencije istovremeno sa njenim upućivanjem ponuđačima koji su učestvovali u postupku javne nabavke.

Pouka o pravnom lijeku: Protiv ove odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

DOSTAVITI:

1. Ponuđačima uz obavještenje
2. arhivi

DIREKTOR

Prof. dr. Enver Halilović, s.r.